

Anno.  
M.  
2109.

tiam fratres ipsius venére in Ægyptum com meatûs parandi causâ. Cùmque post longam actionem se ipsis patefecisset, Patrem suum cum tota familia in Ægyptum accersivit, & in regione Gosen collocavit. Vixit ibi Jacobus annos 17. Post cùm Josephi filios duos adoptâisset, & non minùs ipsis, quàm suis filiis futuram conditionem prædixisset, expiravit placidè, magnifico funere elatus.

2200.

*Josephus* à morte Patris solatus est fratres suos, & familiâs ipsorum benignè sustentavit. Dignitatem verò suam totos 80. annos inter Ægyptios integram retinuit. Quo tempore ita aucta ei familia, ut pronepotes & abnepotes etiam ex filiis conspexerit. Postremò cùm de transferendis ossibus suis præcepisset, moritur, corpùsque aromatibus conditum in Ægypto asservatur.

2296.

*Levi* post fata fratrum superstes in Ægypto, mutatam cum Rege vidit populi sui fortunam. Nam pressus gravi servitute ad luti laterùmque labores tyrannicis imperiis & verberibus adigebatur. Proles etiam Israëlita, cùm in partu extingui non posset, in aquis exponebatur. Denique Ephraëmitæ à Garhæis graviter sunt afflicti, qui fines Ægypti populantes, pecora ipsorum abegerunt, multòsque trucidârunt. Sunt qui ad hæc tempora referunt historiam *Jobi*, viri sancti, & celebris vicissitudine rerum patientiæque exemplo.

Hucusque duravit status Oeconomicus